

河源紀略

傅增湘題

欽定河源紀畧卷二十六

紀事一

臣等謹案河源出於西域道里遼夐疆圉殊絕自古以來聲教不通夏書始言卽敘王制不盡流沙降及後世或使命偶至或貢獻甫通傳聞所及史臣述以爲據從未有混一疆土能實有其地而著之版圖者故張騫所窮疑焉無據劉元鼎篤什所見詡爲真源良由厯代以來囿於方隅隔於險阻虛存統率之名初無疆理之實無惑乎地志之所載闕焉未備也我

朝統一區夏式廓丕基開闢疆宇千古未有

聖祖仁皇帝削平西藏卽遣使詳考西南徼外山川

世宗憲皇帝平定青海伊古吐谷渾黨項羌戎雜處之地
悉隸圖籍

皇上蕩平西域拓地二萬餘里凡準回全部昔時所謂
都護羈縻僅存其名者今皆列戍開屯建城設鎮
藩籬中土備列提封於是乎崑崙勝蹟蔥嶺靈源
蒲昌星宿之奇觀紫山雪嶺之全壤大河隱見周
迴蟠折萬餘里莫不近攝環中朗如眉列茲者
命使所至河瀆効靈更於曩跡未經之地創睹天池星

石之奇煌煌

睿製光耀寰區

臣

等稟承

聖訓得以詳攷今古傳之無窮夫仰

聖神之謨烈以表疆索之隆規極地域之廣輪以誌源
流之靈蹟

三朝耆定大業豐功括兩戒於階庭攬八埏如戶闥誌
河源者必備紀

武功所疆理區圉所并包以詳著實有其地量測不爽
之由所爲真源呈露昭晰萬古而無疑也其厯代
舊事諸史所載亦附著於篇援古證今益以昭中

外一統之盛焉

之山海經云：至靈開闢萬古而無變也。其澤方
先也。其靈聖也。其德有光。其德有光。其德有光。其德有光。

五

左傳書字大業豐收

今昔列成開屯建城設鎮

卷之六

百之帝皇數更數之木經之地創聚天地星

欽定河源紀畧卷二十六

紀事一

河水發源回部全境

臣等謹案河水發源自蔥嶺以東至流入羅布
淖爾皆回部境回部在西域中從古以來未入

版圖

皇上平定回疆大啟土宇臣等考訂河源按次道里各

詳敘其都邑境疆謹先撮舉其用兵之原由成
功之始末並恭錄

御製平定回部告成大學碑文并於卷首以著全壤內

屬之盛焉

乾隆二十年大兵旣平準噶爾阿睦爾撒納覬爲
總台吉不獲遂煽亂諸部二回曾大和卓木波羅
泥都小和卓木霍斯占前爲準噶爾所拘大兵定
伊犁以其先獻款輸誠釋其囚以兵送波羅泥都
歸葉爾羌俾統其衆納賦執役而以霍集占居伊
犁撫回衆之在準部者阿逆之叛霍集占潛助之
攻勤王之台吉宰桑及我師整旅討逆伊犁復定
阿逆竄哈薩克復竄俄羅斯尋斃遣侍郎三泰往
驗其屍屬實而霍集占亦卽遁歸舊部將軍兆惠

在伊犁遣副都統阿敏道往回部議事霍集占竟以計誘阿敏道而拘之大兵興師問罪進抵庫車霍集占攜阿敏道來援至中途害之並其從行百人冒死入庫車城旋即逸而西去我師克庫車城詔以將軍雅爾哈善縱賊失機逮治其罪更

命將軍兆惠率師還定回部旋收烏什定阿克蘇傳檄降和闐師前進直抵葉爾羌以道遠馬疲爲賊所遮固守三月深溝高壘賊不敢犯會援師至內外夾擊大破賊衆逆酋遂棄城而西葉爾羌喀什噶爾回衆悉降我師窮追賊首叅贊明瑞邀擊之于

霍斯庫魯克副將軍富德一敗之于阿爾楚克再敗之葉什勒庫勒淖爾賊遁入拔達克山界副將軍富德率師窮追之遣使往諭其汗素爾坦沙宣示二酋罪狀令擒獻素爾坦沙卽遵檄縛波羅泥都而以兵圍霍集占于阿爾渾楚哈嶺賊退保齊那爾河素爾坦沙以其屬進戰賊不能支傷背及膀乳擒之囚之於柴扎布柴扎布者拔達克山繫囚處也素爾坦沙乃遣人詣軍門投款報逆賊就擒副將軍富德察其忠順進使者撫諭責令獻俘進軍幹罕以待之並曉以順逆利害之狀宣諭

大皇帝威德素爾坦沙傾心降服遂殺波羅泥都霍集
占波羅泥都屍身被盜遂專函霍集占首以獻率
其部落十萬戶與博洛爾部三萬戶來降乾隆二
十四年西師大功告成回部悉平

御製平定回部告成太學碑文

建非常之功者以舉非常之事舉非常之事者以藉非
常之人然亦有不藉非常之人而舉非常之事終建非
常之功者則賴

昊蒼篤貺神運幹旋事若禍而移福機以逆而轉順順
天者昌逆天者昌逆

天者亡故犁準夷之庭掃回部之穴五年之間兩勲並集
始遲疑猶未敢信終劼劬以底有成荷

天之寵在茲畏

天之鑒益在茲爰敘其事如左達瓦齊之就俘也伊犁已
大定矣無何而阿睦爾撒納叛彼其志本欲藉我力以
成已事時也人心未定佐饗者嘗一域肆狂萬狙應響
蜂屯蟻雜不可爬梳畏難者羣謂不出所料準夷終不
可取並有欲棄巴里坤爲退守謀然予計其衆志不齊
將有歸正倒戈者於是督策將帥之臣整師亟進旣而
伊犁諸台吉宰桑果悔過勤王思討逆賊以自贖此

天恩助順者一也二酋大小和卓木者以回部望族久爲準噶爾所拘於阿巴噶斯鄂拓者也我師既定伊犁乃釋其囚以兵送大和卓木波羅泥都歸葉爾羌俾統其舊屬而令小和卓木霍集占居於伊犁撫其在伊犁衆回乃小和卓木助阿逆攻勤王之台吉宰桑等阿逆賴以苟延及師再入阿逆遂逃入哈薩克而霍集占亦卽收其餘衆竄歸舊穴此

天恩助順者二也準夷之事前紀畧見其概茲不複紀紀興師討回之由則以我將軍兆惠在伊犁時曾遣副都統阿敏道往回議事小和卓木乃以計誘阿敏道而拘

之乃我師抵庫車問罪彼攜阿敏道以來援至中途害之及從行者百人彼猶逞其狂勃抗我師顏且敢冒死人庫車城乃雅爾哈善畧無紀律致彼出入自由然我滿洲索倫衆兵士無不念國家之恩効疆場之力故能以少勝衆逆渠懼而兔脫此

天恩助順者三也知償轅之無濟掄幹才之可任時將軍兆惠以搜勦準夷餘黨至布魯特部落已欵服其衆因命旋師定回部於是克庫車存沙雅爾定阿克蘇畧烏什收和闐師之所至降者望風直至葉爾羌城下而我軍人馬周行萬有餘里亦猶強努之末矣二酋以其逸

待之力統數萬人與我三千餘人戰我師之過河者纔四百餘猶能斬將搃旗退而築堡黑水固守以待此

天恩助順者四也萬里之外抱水救火其曷能濟乃予以去年六月卽降旨派兵撥馬欲以更易久在行間者耳故兵馬率早在途一趨進而各爭前恐後人人有敵愾之憤此

天恩助順者五也副將軍富德及叅贊舒赫德輩率師進援以速行戈壁中馬力復疲值狂回據險坐俟頗有難進之勢夫援軍不能進則固守以待者危矣而叅贊阿里袞驅後隊之馬適至夜擣賊營我師內外夾攻彼不

知我軍之有幾萬握炭流湯之徒自相蹂躪顧命不暇
於是解黑水之圍鹿駭麀驚遁而保窟我之兩軍全隊
振旅以迴阿克蘇此

天恩助順者六也旣而彼料我必再入泰山之壓難當乃
於我師未進之先攜其部落載其重器跳而遠去而葉
爾羌喀什噶爾二城之舊伯克等遂獻城以降叅贊明
瑞一邀之于霍斯庫魯克副將軍富德再陷之於阿爾
楚爾于是離心者面內前途者反旆二酋惟挈其妻孥
及舊僕近三百人入拔達克山境此

天恩助順者七也人蹟不通之地語言不同之國旣已雀

毆寧不狼顧其授我與否固未可定也然一聞將軍之檄莫不援旗請奮整旅前遮遂得兇渠函首露布遙傳此

天恩助順者八也夷考西師之役非予夙願之圖何則實以國家幅員不爲不廣屬國不爲不多惟屢守成之志無希開創之名兼以承平日久人習於逸旣無非常之人安能舉非常之事而建非常之功哉然而輾轉輻湊每以艱而獲易視若失而反得故自締始以逮定功雖予自問亦將有所不解其故而不敢期其必然者故曰非人力也

天也夫

天如是顯佑國家者以

祖宗之敬

天愛民蒙

眷顧者深也則我後世子孫其何以心

上蒼之心志

列祖之志勉繼繩于有永保丕基于無窮乎繫以銘曰二
曾侑德始亂爲賊是興王師報怨以直伊犁旣平蕞爾
奚屑徐議耕闢徐議戍設以噢以咻伊余本懷豈其弗
戢圖彼藐回彼回不量怒臂當車戕我王臣助彼狂狙